



Наманган вилояти

Фаолият

## УМИДБАХШ ҲАРАКАТ САМАРАЛАРИ

«Аёллар дафтари»нинг учинчи босқич хатлов ишлари Наманганда ниҳоясига етди. Галдаги вазифа хатловга олинган хотин-қизларнинг рўйхатини шакллантириш ва уларга тоифасига кўра амалий ёрдамлар кўрсатишдир.

Шу ўринда рақамларга эътибор қаратамиз: Наманган шаҳри ва 13 та туманда 780 та маҳалла, 525724 та хонадон мавжуд бўлиб, жами 2 миллион 907 минг нафардан ортиқ аҳоли истиқомат қилади. Шулардан 618052 нафари 30 ёшдан юқори бўлган хотин-қизлар.

Хатлов давомидида 612020 нафар аёл билан суҳбат ўтказилиб, анкета-сўровномалари тўлдирилди. Уларнинг орасида ночор, ногирон фарзандини ёлғиз ўзи боқайтган, уй-жойи таъмирталаб, оиласида тўрт-беш жоннинг бор масъулиятини бўйнига олган опа-син-

гилларимиз бор. Йўқлаб борганимиз, хатловга олганимиз уларнинг ҳар бирида эртанги кунга умид уйғотгани рост.

Айни пайтда вилоятда «Аёллар дафтари»га киритиладиган хотин-қизларнинг муаммоларини ҳал этишга қаратилган «Йўл харитаси» лойиҳасини халқ депутатлари туман, шаҳар кенгашларига тасдиқлатиш юзасидан вазифалар белгиланмоқда.

**Шавкат ҚАҲҲОРОВ,**  
Ўзбекистон касаба уюшмалари Федерациясининг Наманган вилояти кенгаши етакчи мутахассиси,  
«Аёллар дафтари» вилоят штаби масъул котиби



Тошкент шаҳри

Соғлиқни сақлаш ходимлари касаба уюшмаси Тошкент шаҳар кенгаши томонидан Мирзо Улуғбек туманидаги тиббиёт муассасаларида ижтимоий шериклик асосида олиб борилаётган ишлар таҳлил қилинди.

## ИЖТИМОЙ ШЕРИКЛИК АСОСИДА

Урганиш жараёнида тумандаги 1-сон фтизиатрия диспансери, 3-сон болалар стоматология поликлиникаси, 4- ва 8-сонли оилавий поликлиникаларда иш берувчилар билан ҳамкорликдаги тадбирлар кенгаш томонидан муносиб баҳоланди.

Мирзо Улуғбек туманидаги 4-сон оилавий поликлиникада 151 нафар касаба уюшма аъзоси фаолият юритади. Бош шифокор Ҳилола Амброва ходимлар саломатлиги, ишчанлик кайфияти билан мунтазам қизиқиб боради.

– Моддий жиҳатдан қийналган, оиласида кўнгилсиз ҳодиса юз берган ходимларга касаба уюшмаси томонидан ёрдам кўрсатилмоқда. Юбилей саналари муносабати билан ходимларга совғалар тарқатилмоқда, – дейди Мирзо Улуғбек туманидаги 4-сон оилавий поликлиника бошланғич касаба уюшма

қўмитаси раиси Холида Мажлимова. – Кам таъминланган ёлғиз оналарнинг фарзандларига эса ўқув қуроллари олиб берилди. Ходимлар саломатлигини мустақамлаш мақсадида умумжамоа бўлиб дам олишлар ташкил қилинмоқда, спорт мусобақалари уюштирилмоқда. Хусусан, ҳар шанба «Саломатлик кўни» муносабати билан 5000 қадам пиёда юриш, нафас машқлари бажарилиб юритади. Бош шифокор Ҳилола Амброва ходимлар саломатлиги, ишчанлик кайфияти билан мунтазам қизиқиб боради.

Соғлиқни сақлаш ходимлари касаба уюшмаси Тошкент шаҳар кенгаши томонидан барча тиббиёт муассасаларида ижтимоий шерикликка эътибор кучайтирилгани сабабли соҳа ходимларининг ҳуқуқий ҳимояси мустақамланмоқда.


**Раъно МАҲҚАМОВА,**  
«ISHONCH»

Юрт тараққиёти йўлида бирлашайлик!

# Ishonch

2022 йил  
3 ФЕВРАЛЬ  
ПАЙШАНБА  
№ 15  
(4611)

Ўзбекистон касаба уюшмалари Федерацияси нашри •  
Газета 1991 йил 21 мартдан чиқа бошлаган • www.ishonch.uz • e-mail: ishonch1991@yandex.uz



# Билса – ҚАЗИЛ, билмаса – ЧИН...

Сирдарё туманидаги «Мурувват» интернат уйининг 125 нафар ходимига меҳнат таътили учун тўланадиган ҳақ нотўғри ҳисобланган.

Ушбу қонун бузилиши Соғлиқни сақлаш ходимлари касаба уюшмаси Республика кенгашининг Сирдарё вилояти бўйича меҳнат техник ва ҳуқуқ инспекторларининг ташкилотдаги ўрганишлари пайтида маълум бўлди. Давлатимиз раҳбарининг «2021

йилда расмий саналарни нишонлаш даврида қўшимча ишланмайдиган кунларни белгилаш ва дам олиш кунларини кўчириш тўғрисида»ги фармони кўра, белгиланган қўшимча дам олиш кунлари ҳар йилги меҳнат таътилининг давомийлигини икки иш кунига қисқартириш ҳисобига қопланиши, хусусан, 3-бандида ҳар йилги меҳнат таътили даврида сақланмайдиган ўртача ойлик иш ҳақи миқдорини ҳисоблашда меҳнат таътилининг амалдаги давомийлиги ҳисобга олиниши, унга ушбу фар-

монда белгиланган қўшимча дам олиш кунлари қўшилиши таъкидлаб ўтилган. Меҳнат ҳуқуқ инспектори Абдурахим Албеков интернат директори номига аниқланган камчиликларни бартаараф этиш юзасидан кўрсатма хати йўллади.

Қисқа фурсатда 125 нафар ходимга ўн етти миллион беш юз йигирма тўққиз минг сўм тўлаб берилиб, хат ижроси таъминланди.

**Озода МАМАДАЛИЕВА,**  
«ISHONCH»

Ўзимизга назар

## ВАЗИЯТДАН ФОЙДАЛАНИБ...

### ёхуд мусибатдан ҳам фойда қилишни ўйлайдиганлар билан жамиятда ривожланиш бўладими?

Бир неча кун олдин бўлган воқеа – электр энергиясидаги кутилмаган узилишлар инсоф нималигини унутган кирақашларга жуда қўл келди...

Избоскан тумани маркази Пойтуғдан Андижон шаҳригача бўлган масофа 12-15 километр. Бу масофага автобус 1000 сўм, йўналишли таксилар 2000, «Дамас» ва енгил машиналар эса 5000 сўмга қатнар эди. Шу кунгача...

Лекин шу бир-икки кун ичида йўлқира нархлари кескин кўтарилиб кетди. Автобуслар тақа-тақ тўхтади. Боиси, метан газга мослаштирилган автобуслар бензинда ҳаракатлана олмас экан.

Айниқса, «Андижон-Тошкент» йўналишида қатновчи кирақашларнинг кўни туғди. Одатда улар Тошкентга бири кишини манзилга етказиш учун 80-90 минг сўм ҳақ оларди. Энди эса ҳар бир йўловчидан 300 минг сўмдан олишди.

Уша кунлари 5000 сўмга қатнайдиغان енгил машинага ўтирдим.

– Йўлқира етти минг, – деди ёшгина ҳайдовчи йигит.

– Нега?

– Сабаби шуки, кечаси иккидан бешгача навбатда туриб, машинага ёнилғи қўйдим, – деди у тўнғиллаб...

Аҳолига бироз ноқулайлик туғдираётган шундай синовли кунларда автобусларнинг қатнамаслигини қандай тушуниш мумкин?

Уша кўни... Бутун мамлакатда бир неча соатта чироқ ўчганда сув, шам ва нонни пуллаганларни кўрдик.

Вазиятдан фойдаланиб қолиш пайида бўладиган, мусибатдан ҳам фойда қилишни ўйлайдиганлар билан жамиятда ривожланиш бўладими?!


Дилга шу оғриқли саволлар тинчлик бермайди.

**Анваржон ҲАЛИМОВ,**  
журналист



## Кун нафаси

Президент Шавкат Мирзиёев раислигида 2 февраль кўни чиқиндилар билан ишлаш тизими ва экологик ҳолатни яхшилаш, «Яшил макон» умуммиллий лойиҳасини амалга ошириш борасидаги долзарб вазифалар юзасидан видеоселектор йиғилиши ўтказилди.



Ўзбекистон Республикаси ва Хитой Халқ Республикаси ўртасида дипломатик муносабат ўрнатилганининг 30 йиллигини нишонлаш доирасида Хитойда «Psearcher» ахборот-таҳлилий журналининг Ўзбекистонга бағишланган махсус сони нашрдан чиқди.

Жанубий Корейнинг Кванжу шаҳрида ижтимоий тармоқларда фаолият юритаётган ўзбекистонлик блогерлар билан учрашув ўтказилди. Бу ҳақда «Дунё» ахборот агентлиги хабар бермоқда.

Россиянинг Новосибирск шаҳридаги мамлакатимиз бош консулхонаси ва Ташқи меҳнат миграцияси агентлиги ваколатхонаси масъул ходимлари мазкур ҳудудда вақтинчалик меҳнат фаолиятини амалга ошираётган юртдошларимиз билан учрашиб, уларнинг яшаш ва иш шартлирини ўрганди.

Музаффар Комилов Президентнинг жамоат ва диний ташкилотлар билан ҳамкорлик масалалари бўйича маслаҳатчиси лавозимига тайинланди.


Даврон Маҳсудов Дин ишлари бўйича қўмита раисининг биринчи ўринбосари этиб тайинланди.

Фармацевтика тармоғини ривожлантириш агентлиги, юртимизнинг Жанубий Корейдаги элчихонаси вакиллари ҳамда янги инновацион формулаларни ишлаб чиқиш юзасидан тадқиқотлар олиб борувчи «Huscio» компанияси раҳбарияти иштирокида видеоконференция ўтказилди.

Ўзбекистон 2021 йилда 2,7 млн. тонна цемент импорт қилган. Бу ҳақда Давлат статистика қўмитаси маълумот берди.

Гидрометеорология хизмати маркази 4-7 февраль кунлари юртимизда кучли шамол ва ёғингарчилик (ёмғир, қор) бўлишини маълум қилди.



БААда «Tour of Sharjah-2022» кўп кунлик велоспортнинг сўнгги бешинчи босқич баҳслари якунланди. Унда «Toshkent city professional velosport jamoasi» аъзоси Алексей Омовский «Энг ёш пойгачилар» рўйхатида 1-ўринни эгаллади.



Бирлашган Араб Амирликларининг Абу-Даби шаҳрида от спортининг конкур йўналиши бўйича «CSI \* 4 145 Longines Ranking Abu Dhabi Alhira» номли халқаро турнир бўлиб ўтди. Турнирда Ўзбекистон терма жамоаси аъзоси Абдурахмон Абдуллаев «Konloub» лақаби отда иштирок этиб, шоҳсўпага кўтарилди.

Интернет хабарлари асосида тайёрланди

Келгуси сонларда ўқинг...





Навоий  
вилояти

«Аёллар дафтари»га рўйхатга олишнинг 3-босқичида Навоий вилоятида 215 минг 717 нафар хотин-қизнинг ижтимоий аҳоли, муаммо ва қизиқишлари синчковлик билан ўрганилди.

## СИНЧКОВЛИК БИЛАН ЎРГАНИЛМОҚДА

Хатлов жараёнида «Аёллар дафтари»га киритилиши кутулаётган хотин-қизларнинг аксарияти ишсизлик, уй-жойларнинг таъмирталабчилиги, саломатлигининг ёмонлашгани ва даъволаниш имкони йўқлигини билдирган бўлса, яна бир қатор опа-сингиллар моддий ёрдам ололмаётгани, фарзандлари, кекса ота-оналари саломатлиги ва келажаги билан боғлиқ турли қийинчиликларга дуч келаётганини рўй-рост айтишган.

«Аёллар дафтари»ни шакллантириш мақсадида амалга оширилган хатлов жараёнида мутасаддилар вилоятнинг энг узоқ қишлоқ ҳамда овулларда яшайётган хотин-қизларни ҳам эътибордан четда қолдиришмади. Вилоятнинг 11 та туман ва шаҳарларидаги 330 та маҳалла фуқаролар йиғинида 16 кун давом этган хатлов ишларида Ўзбекистон касаба уюшмалари Федерацияси Навоий вилояти кенгаши билан бирга ҳокимликлар, «Аёллар маслаҳат кенгаши» вакиллари ва бошқа жамоатчилик тузилмалари мутасаддилари ҳам муносиб ҳисса қўшишди.

### Шакарбой ЭШМАТОВ,

Маданият, спорт ва туризм ходимлари касаба уюшмаси Республика кенгашининг Навоий вилояти бўйича масъул ташкилотчиси



Сирдарё  
вилояти

# Навбатдаги босқич имкониятлари

Мафтуна Эшбекова Боёвут туманидаги «Маданият» маҳалласига келин бўлиб тушганига икки йилдан ошган. Уч хўжалик бир ҳовлида яшаётгани ва эру хотин доимий иш ўрнига эга эмаслиги сабабли у «Аёллар дафтари»нинг иккинчи навбатида рўйхатга олинди, хонадонда тадбиркорлик бошлаши учун унга субсидия ажратилган эди.

Шундан сўнг хамир қориш ускунаси, совутгич ва электр печи олиниб, қандолатчилик йўналишида иш бошлаб юборилди. Дастлаб икки дона бисквит торт пишириб, мижоз дидини синаб кўргач, у ҳар кун 10 донага етказиб торт пиширишга ўтди. Даромад ҳам шунга яраша бўлмоқда. Бугун уни маҳаллада «тортчи келиноий» деб қақаришни бошлашди. Кечагина ишсиз бўлган Мафтуна тадбиркорлиги туфайли қўшни қизни ҳам қанотига олди.

«Аёллар дафтари»га рўйхатга олинган, ўзини ўнглаб олганлар айна пайтда кўлаб топилди. Оқланган ишонч эса давом этиши керак. Шу мақсадда ташаббус давом эттирилиб, навбатдаги босқич учун рўйхат шакллантирилмоқда. Боёвут тумани вилоятнинг энг катта



худуди бўлиб, бу ерда 39 та маҳалла бор. Хатлов натижасида 25 минг 164 та сўровнома тўлдирилди. Хотин-қизларнинг


боқувчиси йўқ, эҳтиёжманд аёллар тоифасига киритилди.

«Муқимий» маҳалла фуқаролар йиғини «Буёқ келажак» кўчасида яшовчи Мавжуда Қайумова 3 нафар фарзандини вояга етказган. Шу кунгача ҳеч қандай ишлаган. Сабаби туғма ногиронлиги бўлган фарзандини 21 йилки, оқ ювиб-оқ тараб, парваришлаб келяпти. Кўп йиллик кўнгил дарди саломатлигини ҳам емира бошлади. Ўзи ҳам бел чурраси билан оғриб, эмаллаб қолди. Онаизор қарамоғида ногирон фарзанди бўлган эҳтиёжманд аёллар рўйхатида тиркаб қўйилди.

Гувоҳи бўлиб турганимиздек, эзгу ташаббуснинг навбатдаги босқичи қизғин давом этмоқда.

### Бахтиёр ҚАЙДАРОВ,

Ўзбекистон касаба уюшмалари Федерацияси Сирдарё вилояти кенгаши бўлим бошлиғи



Самарқанд  
вилояти

## Шунчаки ТАСОДИФ!?

Бахтсиз ҳодисаларни шундай тавсифлаш қанчалик ўринли?

Биз кўнгилсиз ҳодисаларнинг аксариятини негадир тасодифга йўямиз. Бироқ инсон соғлиги ва ҳаёти, унинг кейинги тақдирига дахлдор нохуш воқеага бундай баҳо бериш ноғож. Шу боис, неча йилки, касаба уюшмалари бу ҳақда бонг уриб келмоқда. Бироқ, шунга қарамай, ишлаб чиқариш билан боғлиқ ҳодисаларнинг аксарияти ҳамон тасодиф, дея тавсифланмоқда. Бунга мисоллар истаганча топилади.

Масалан, ўтган йили Самарқанд вилоятида ишлаб чиқариш билан боғлиқ 15 та нохуш ҳолат қайд этилди. Улар оддий лат ейиш, жароҳат олиш эмас, балки инсон соғлиги ва ҳаёти билан боғлиқ аянчли воқеалардир. Чунончи, биттаси бирварақайига бир неча кишининг умрига зомин бўлди, яна 8 таси ўлим билан туғди, 5 таси эса оғир оқибатларни келтириб чиқарди. Ҳаммаси айнан хизмат вазифасини бажариш чоғида рўй берди.

Тўғри, уларнинг ҳар бирига қонуний баҳо берилиб, жабрланувчиларга моддий ва маънавий зарарлар тўланди. Аммо бу ўқ-қўқунгилларга таскин беролмаслиги тайин. Чунки яқинларидан жудо бўлган ёки боқувчисини йўқотган оила аъзолари қалбидаги алам ва армонни аритиб, ўрнини тўлдириб бўлмайди.

— Меҳнат муҳофазаси талаблари ижроси биринчи галдаги вазифага айланиши керак, — дейди Ўзбекистон касаба уюшмалари Федерациясининг Самарқанд вилояти кенгаши меҳнат техника инспектори Усмон Каримов. — Бултур худудимиздаги касаба уюшмалари томонидан 280 нафар муҳандис-техник ходимлар, мутахассислар, меҳнатни муҳофаза қилиш ва хавфсизлик техникаси муҳандислари, меҳнатни муҳофаза қилиш вакиллари ўқуви ташкил этилди. Барчасига белгиланган тартибда малака сертификати берилди. Аммо улар вилоятдаги жами корхоналарда ишлаётганларнинг маълум бир фоизининг ташкил этади. Курилиш ва хушсий сектор корхоналарида эса бундай тадбирларни ташкил этиш имкониятлари ўта чекланган.

Ўтган йили жамоат ташкилоти томонидан ўрганилган 18 та курилиш ташкилотидида меҳнатни муҳофаза қилиш борасида қатор нуқсонлар мавжудлиги юзага қалди. Бунёдкорлик ишларида қатнашаётган бинокорларга лоақал оддийгина шароит яратиб беришга кунт-ҳафсала қилмаётганлар ҳам борлиги аниқланди. Энг ачинарлиси, баъзи қурувчилар ўзлари борпо этаётган иншоот ертўласида ёки талабга мувофиқ жавоб бермайдиган жойларда истиқомат қилмоқдалар. Боз устига, улар махсус кийим-бош билан тўлиқ таъминланмаган. Бирор иншоотда хавфсизлик техникасига ва меҳнат муҳофазасига оид бурчаклар ташкил қилинмагани туфайли ходимлар хавфсизлик тартибларини билишмайди. Шу боис «Мевозор Раванак савдо», «Эркин», «Қайомов строй ин-

вест», «Самарқанд Сити» каби қурилиш ташкилотларига бундай хато-камчиликларни бартараф этиш юзасидан кўрсатмалар берилди.

— Ишлаб чиқариш билан боғлиқ бахтсиз ҳодисаларга бир қатор омиллар сабабчи бўлади, — дейди Транспорт, йўл ва капитал қурилиш, қурилиш индустрияси ходимлари касаба уюшмасининг Самарқанд вилояти кенгаши раиси Сирожиiddин Иззатуллаев. — Уларга барҳам бериш учун, аввало, ҳар бир жамоада эмин-эркин меҳнат қилиш учун муносиб шароит яратиш зарур. Қолаверса, меҳнат муҳофазаси соҳасидаги ишларни тўғри ташкил этиш керак. Қаерда ходимлар меҳнатни муҳофаза қилиш қоидалари ва меъёрлари бўйича ўқитилмаса, уларнинг бу борадаги билимлари етарли бўлмаса, меҳнат интизоми ва ишлаб чиқариш сувайса, ҳар ким ўз вазифасини бажариши раҳбарият томонидан назорат қилинмаса, оқибати яхшилиқка олиб келмайди. Шунинг учун ҳам тармоқ касаба уюшмалари тасарруфидаги барча транспорт ва қурилиш ташкилотларида бу жараёнга алоҳида эътибор қаратилмоқда. Аммо вилоятдаги юзлаб ташкилот-корхоналар касаба уюшмалари сафига киришдан ўзларини олиб қолаётгани ҳам бор гап. Улар негадир ишхоналарида жамоатчилик назорати ташкил этилишидан қаттиқ чўчишади.

Холбуки, инсон тақдири ўйинчоқ эмас. Ҳар бир ишчи-хизматчи ва ходимнинг оиласи ва яқинлари бор. Меҳнат билан боғлиқ бўлган ва фақулудда рўй берган нохуш ҳолатлар эса кўплаб кулфат-балоларни келтириб чиқаради, гоҳида инсонга жисмоний ва руҳий таъсир кўрсатиб, унинг тақдирини бутунлай тескари томонга ўзгартириб юборади, гоҳида эса жоизли яқун топади.

Бу гапларимиздан тегишли хулоса чиқариб олиш-оламаслик ўзини четта тартаётганларнинг виждонига ҳавола!

Нурилла  
ШАМСИЕВ,  
«ISHONCH»



Бонг



Сурхондарё  
вилояти

Ўзбекистон касаба уюшмалари Федерацияси Сурхондарё вилояти кенгашига Шеробод туманидаги 61-умумтаълим мактаби директори Шакул Муратов арз қилди.

Касаба уюшмаси аралашгач...

## ДИРЕКТОР ЯНА ЎЗ ЖОЙИДА

Унинг мурожаати тақдим этилган ҳужжатлар асосида, ваколат доирасида, атрофлича ўрганилди. Аниқланган ҳолатларга кўра, Шакул Муратов 2019 йил 16 августдан бошлаб Шеробод туманидаги 61-сонли умумтаълим мактаби директори лавозимига ишга тайинланган. Икки йил ўтгач, иш берувчини огоҳлантирган ҳолда, яъни 2021 йил 15 декабрдан эътиборан меҳнат шартномасини бекор қилишни сўраб, ариза ёзган.

Иш берувчи — Сурхондарё вилояти Халқ таълими бошқармаси томонидан Ш.Муратов билан тузилган меҳнат шартномаси 2021 йил 15 декабрдан Меҳнат кодексининг 97-моддаси 1-қисми 2-бандига асосан бекор қилинган. Аммо меҳнат шартномасини бекор қилиш тўғрисидаги буйруқ 2021 йил 17 декабрдан расмийлаштирилган. Ш.Муратов буйруқни 2021 йил 24 декабрь кун олган, бошқача айтганда, 2021 йил 15 декабрдан 2021 йил 24 декабрга қадар ушбу лавозимда меҳнат муносабатларини давом эттирган.

Аниқланишича, иш берувчи Шакул Муратов билан меҳнат шартномасини бекор қилишда Меҳнат кодексининг 99-моддаси ҳамда Олий Суд Пленумининг 1998 йил 17 апрелдаги 12-сонли қарори (киритилган ўзгариш ва қўшимчалар билан) 15-банди талабларини бузган.

Шулардан келиб чиққан ҳолда қонунбузилиш ҳолатларини бартараф этиш юзасидан иш берувчига кўрсатма берилди.

Сурхондарё вилояти Халқ таълими бошқармасининг 2022 йил 17 январдаги №30-К сонли буйруғига асосан 2021 йил 17 декабрдаги №716-К сонли буйруқ бекор қилиниб, Ш.Муратов Шеробод туманидаги 61-сонли умумтаълим мактаби директори вазифасига ишга тикланди. Ойлик иш ҳақларини тўлаб бериш вазифаси ҳисоб бўлимига юклатилди.

Зариф ХОЛОВ,

Ўзбекистон касаба уюшмалари Федерацияси Сурхондарё вилояти кенгаши меҳнат ҳуқуқ инспектори



